

Admela Hodžić, samostalna zastupnica u  
Skupštini Kantona Sarajevo

KANTON SARAJEVO  
VLADA KANTONA SARAJEVO

### ZASTUPNIČKA INCIJATIVA

Na osnovu čl. 106. i 213. Poslovnika Skupštine Kantona Sarajevo („Službene novine Kantona Sarajevo“, broj 41/12-Drugi novi prečišćeni tekst, 15/13, 47/13, 47/15, 48/16, 9/20, 14/20) podnosim incijativu Vladi Kantona Sarajevo da se na isti način i sa istog ekonomskog koda (33010001 614400 YAO002 056F - Subvencioniranje troškova iz segmenta zajedničke komunalne potrošnje – 19.481.630,00 KM) subvencionira grijanje građanima KS koji kao energente za zagrijavanje koriste ekološki prihvatljive energente kao što su drva za ogrev, pelet i ostali ekološki prihvatljivi energenti a koji su kao i plin i centralno grijanje, koji Vlada već subvencionira, poskupjeli više od 30% u odnosu na početak grijne sezone.

-

### OBRAZLOŽENJE

Na fb. stranici Vlade KS postavljeno je obaviještenje 17.02.2022. god. da intervencija Vlade KS: Nakon poskupljenja plina za 37 posto, povećanje cijene centralnog grijanja 10 posto Cijena centralnog grijanja korisnicima Toplana u Kantonu Sarajevo od februara će biti uvećana za 10 posto.

Vlada Kantona Sarajevo donijela je istog dana ovu odluku shodno svojoj ranijoj najavi i obećanju da, zbog poskupljenja plina, povećanje cijene centralnog grijanja neće biti veće od 10 posto od trenutne cijene, kao i da će uz subvencioniranje dijela poskupljenja plina, Vlada zaštititi od udara i korisnike usluga Toplana.

„Iako je Nezavisno tijelo predložilo Vladi uvećanje dosadašnje cijene centralnog grijanja za 13,2 posto, Vlada je ostala pri svom stavu da to poskupljenje neće biti veće od 10 posto, jer im je primarni interes zaštititi građane. To ne znači da će poslovanje i rentabilnost preduzeća biti dovedeno u pitanje, to nećemo dozvoliti“, istakao je ministar komunalne privrede, infrastrukture, prostornog uređenja, građenja i zaštite okoliša KS Enver Hadžiahmetović.

Podsjetimo i da Vlada KS već subvencionira polovinu uvećanja cijene gasa za građane, korisnike usluga Sarajevogasa a koje od 01. januara ove godine iznosi 37%.

S obzirom na to da će Vlada Kantona Sarajevo subvencionirati cijene gasa u određenom procentu za prva tri mjeseca ove godine za korisnike koji koriste ovaj energent za zagrijavanje i korisnike Toplana Sarajevo, te da je u Budžetu KS planirano izvojiti značajan iznos za tu

namjenu, tražim da se i ostalim građanima našeg kantona subvencioniraju ostali energenti ekološki prihvatljivi za zagrijavanje, kao što su drva za ogrijev, pelet i ostali ekološki prihvatljivi energenti a čija je cijena uvećana više od 30% u odnosu na početak grijne sezone.

Premijer Kantona Sarajevo je već ranije rekao da će se subvencionirati samo troškovi korisnika koji koriste gas kao energent za zagrijavnaje i korisnike usluga Toplana Sarajevo, što predstavlja diskriminaciju prema ostatku stanovništva KS koji koriste druge energente za zagrijavanje, kao što su drva ili pelet, a podsjetimo se da su cijene metra drva za ogrijev i tone peleta kao jednog od „najpopularnijih“ energenata za zagrijavanje kod našeg stanovništva u stalnom cijenovnom rastu. Smatram da bi Vlada Kantona Sarajevo zajedno sa permierom Edinom Fortom trebala obezbijediti novčana sredstva za subvenciju preostalog dijela stanovništva, koji nisu priključeni na gasnu mrežu i Toplane Sarajevo.

Postoje domaćinstva, posebno rubnih dijelova Kantona Sarajevo, koja nemaju mogućnost priključka na gasnu mrežu ili Toplane, te moraju koristiti druge energentne za zagrijavanje, a da im niko ne pomaže u vidu subvencije za njihovu nabavku. Ovdje je očigledno riječ o diskriminaciji stanovništva, posebno rubnih dijelova našeg kantona, a svjesni smo činjenice poskupljenja enrgenata za zagrijavanje čak i preko 50%, (drva za ogrijev sa 85 KM/m na 120 KM/m, pelet sa 250 KM/t na 500 KM/t)

S obzirom da su obezbijedena novčana sredstava za subvenciju za korisnike gasne mreže i Toplana Sarajevo u KS, smatram da su novčana sredstva nesrazmjerno raspoređena, jer isto se subvencioniraju domaćinstva koja „preživljavaju“ od tri stotine konvertibilnih maraka, kao i domaćinstva čiji prihodi prelaze tri hiljade KM.

Ako su ministri i premijer koji imaju preko 3.000,00 KM primanja donijeli odluku da sebi subvencioniraju grijanje, tražim da na isti način obezbijede subvencioniranje grijanja i ostalim građanima KS bez obzira na to što nisu korisnici usluga Sarajevogasa i Toplana a koji imaju ili minimalna promanja ili ih nemaju nikako.

Zaustavite ovu diskriminaciju što je prije moguće jer ste za to položili zakletvu.

Tražim da se ova inicijativa da na glasanje i da se kolege zastupnici izjasne o istoj.

Sarajevo, 22.02.2022. godine

SAMOSTALNA ZASTUPNICA

---